

大同府志

大同府志卷之六

大同府知府吳輔宏纂輯

古蹟

杜預沉碑韓陵片石憑弔俯仰古今同慨往蹟之流傳
顧不以人重歟雲郡爲前代用武之地兵燹劫塵遺跡
蓋寡然而芒芒舊壤山川猶是觀乎版築則秦蒙恬之
業朗而存焉披乎圖牒則北魏以來之城邑若可覩焉
若夫斷碣殘銘荒塋廢壠其足以揮雍門之琴而扣西
州之策者又何可勝道哉志古蹟

大同府

大同府志

卷之六

古蹟

一

大同縣

倚郭

雲中古城府城北郭外秦漢之雲中故城卽唐雲中都護
府唐書地理志雲中都護東北距朔州五百五十七里
自唐置雲州於恒安鎮始改定襄縣曰雲中其實元魏
之平城卽漢鴈門郡之平城縣也魏大興元年定都平
城始營宮室建宗廟立社稷二年增啟京師十二門孝
文帝遷都洛邑改爲司州牧唐呂令問雲中古城賦棄
萬里之沙漠傍五原之風土肇爲此都實惟太祖池桑
乾之水苑秦城之牆百堵齊矗九衢相望張嵩賦一太
陰以建極則廣莫而論都遂徵板幹庀徒卒鏟嶢嶢劓

崛岉因方山以列樹按長城以爲窟

平城外郭明一統志城東五里本漢平城縣其外郭乃北魏所築在無憂坡上一作無榆坡魏書稱參合陂土無榆樹亦此類也又攷魏書太宗紀泰常八年築平城外郭周廻二十二里舊志謂西魏所築者誤

元魏宮垣遼史地理志元魏宮垣占城之北面雙闕尙在後爲天王寺按今府城北門外有土臺東西對峙蓋雙闕也寺久廢爲厲壇其地猶稱天王臺云

鹿苑魏書天興二年己亥春道武帝起鹿苑於南臺陰北距長城東包白登屬之西山廣輪數十里鑿渠引武川

大同府志

卷之六

古蹟

二

水注之苑中疏爲三溝分流宮城內外又穿鴻鴈池四年起石池鹿苑臺泰常六年發京師六千人築苑起自舊苑東包白登周圍四十餘里顯祖時中書令高閭著鹿苑頌以今地界攷之當在府治東北

靈泉池在方山下魏書太和九年六月行幸方山遂幸靈泉池自後歲幸十四年七月文明太后與高祖幸靈泉池燕羣臣及藩國使人諸方渠帥各令其爲方舞高祖帥羣臣上壽太后忻然作歌帝亦和歌遂命羣臣各言其志於是和歌者九十人

文石室鑿元殿並在方山北魏太和三年建十九年九月

癸酉拜永固陵夜宿鑿元殿按方山在今府北五十里相傳有北魏二陵及方山宮址

白登宮北魏泰常四年築卽漢平城東七里白登山地今所稱小白登也先是永興四年立太祖廟於白登山至泰常四年八月帝嘗於白登廟將薦熟有神異焉九月築白登宮

靜輪壇府城南三里元魏道士寇謙之建按魏書眞君三年謙之奏造靜輪宮水經注以爲神廡四年造太平眞君十一年毀未詳孰是今其地名八疙疸

武周山石窟在府西武周山中元魏高宗時僧曇曜請於

大同府志

卷之六

古蹟

三

城西武周塞鑿山石壁開窟五所鐫建佛像各一高者七十尺次六十尺彫飾奇偉冠於一世顯祖皇興元年行幸武周山石窟寺四年幸鹿野苑石窟寺太和四年六年七年屢幸武周山石窟寺按今寺在府西三十里左雲界特當時石窟之一迤東十數里巖壁間遺跡宛然舊志載石窟十寺其名詳見祠祀疑卽水經注所稱山堂水殿煙寺相望者已無可稽考今城西十五里佛字灣觀音堂猶存石佛數尊或其遺也

燕昌城水經注羊水出平城苑之西苑外武周塞北出東轉逕燕昌城南燕慕容垂建興十年輦過平城北四十

里疾篤乃柴燕昌城而還北俗謂之老公城按魏書皇始元年慕容垂來攻桑乾川遂至平城西北踰山結營築城自守卽此城也羊水疑卽今得勝河則燕昌城當在今府西北得勝堡之南

定襄故城府城西北二十里漢爲郡唐爲縣皆治此開元間改爲雲中縣有陰山青坡二道皆出兵路

恒安鎮遼志北魏置恒州齊文宣廢州爲恒安鎮周隋因之唐貞觀十四年置定襄縣爲雲州治開元二十年更名雲中遼始析雲中爲大同縣卽今治也

牛皮關城東六十里牛皮嶺下唐書雲中東有牛皮關金

大同府志

卷之六

古蹟

四

史大同有牛皮關卽此今名牛皮嶺鋪

遼金宮垣府城西門有二土臺蓋宮闕門也路寢之基猶存遼志晉高祖割山前代北地大同來屬重熙十三年因建西京鎮樓棚櫓具廣袤二十里門東曰迎春南曰朝陽西曰定西北曰拱極設畱守司衙南曰西省北門之東曰大同府北門之西曰大同驛金志大定五年建西京宮室其門南曰奉天東曰宣仁西曰阜成

遼西京國子監在府城和陽街明洪武八年建府學於此二十九年改爲代府武宗幸大同嘗駐蹕焉崇正末燬於兵火今存黃琉璃壁一座上有九龍文土人謂之九

龍壁

鳳臺城內西北隅一名梳妝樓相傳遼蕭后居此左右二臺各高數丈元大德十一年地震圯其左延祐間右臺亦圯後其地爲鳳臺坊坊亦久廢無可考舊志所謂鳳臺曉月也或云今縣學西南基是

銅石像在舍利坊華嚴寺中按遼史清寧八年建華嚴寺奉安諸帝銅石像石像五銅像六內一銅像袞冕垂足而坐餘俱常服今並失所在金史世宗大定六年夏五月幸西華嚴寺觀故遼諸帝銅像元史石天麟傳云遼國主銅像在西京者今尚有之是銅像元時尙存

大同府志 古蹟 卷之六 五

而石像先亡矣

遼普同塔石幢在上華嚴寺大殿前高五尺徑尺餘方隅八面面各有字其畧云佛鼎尊勝陀羅尼幢蜀賓沙門佛陀波利奉詔譯立幢人司文顯本山普同塔立在城西楊柳坡東至官道南至溝西至山頂北至溝周匝爲計維太康二年歲次丙辰十月小甲申朔十七日庚子日庚時記按此非寺中物楊柳坡未詳本行經淨飯王抱太子謁自在天神廟神像起禮拜太子足王驚曰我子於天神更爲尊勝五蘊論觀察智品卽陀羅尼梵語陀羅尼此云總持謂得一切智總持可法也唐李白

有尊勝陀羅幡文又遼天成縣創建無垢淨光法舍利塔記畧云無垢淨光陀羅尼經者自大唐天冊金輪皇帝萬歲元年天竺三藏覩貨羅國沙門彌陀山譯布中夏塔建於開泰八年皆此類也

落星石在北關真武廟蒼黑色方圓尺餘厚如之其左方微缺非全壁也旁鐫字蹟俱磨滅不可辨

金西京大普恩寺重修大殿記碑皇統三年二月丁卯宋修武郎借吉州團練使充通問副使婺源朱弁撰文同知西京畱守大同尹兼本路兵馬都總管府事丁暉仁篆額西京路都轉運副使孔固書大定十六年立石

大同府志

卷之六

古蹟

六

金西京大普恩寺重修釋迦如來成道記碑明昌元年試國子祭洒兼翰林直學士知制誥同修國史党懷英篆額銀青榮祿大夫柱國金源郡開國公食邑二千戶食實封二百戶闕名書開府儀同三司判西京畱守大同尹兼本路兵馬都總管食邑一萬戶食實封一千戶大

功德主闕名立石

金西京大華嚴寺重修薄伽教藏碑大定二年立石都人段子卿撰記張公徽篆額沙門法慧書

元西京大華嚴寺佛日圓照明和尚碑銘雲峯寺住持祥邁撰文西京路總管兼大同府尹田介篆額靈邱縣

曲迴寺住持悟圓書至元十年立石

懷仁縣

蘭池城漢志沙南縣有蘭池城遼志懷仁縣本漢沙南縣地

早起城在縣南三十里北魏孝文帝築土人名雞鳴城亦曰食時城金志懷仁縣有早起城

日中城魏孝文帝築金志懷仁縣有日中城水經注武周塞水逕日沒城南蓋夕陽西頽征車所薄之故城也東有日中城城東又有早起城在黃瓜阜北曲中按今縣南六十里有日中城堡正在黃花岡之北

大同府志

卷之六

古蹟

七

東城遼志太祖與晉王李克用會於雲州之東城又云奉義縣析雲中置後唐武皇與太祖會此是東城卽奉義縣而懷仁在其西說詳沿革

南池水經注桑乾枝水又東流津委浪通結兩湖東湖西浦淵潭相接水至清深晨鳧夕鴈泛濫其上黛甲素鱗潛躍其下頰仰池潭意深魚鳥所寡唯良木耳俗謂之南池池北對涅陶縣之故城省志云懷仁縣近漢涅陶縣地按今縣東南十五里高鎮子堡舊爲鎮子海周迴四十五里中產鯉魚重數十觔水禽蕃育後居民決水渠導流於桑乾河遂涸疑卽古南池也

聚仙臺縣西南六十里大羅寺南上有仙人鐵拐李遺跡
利國鐵冶在縣西十五里清涼山又西十里錦屏山亦舊
有鐵冶按元史食貨志鐵在河東者太宗丙申年立爐
於西京州縣撥冶戶七百六十煽焉武宗至大元年立
河東都提舉司掌之所隸之冶八利國其一也一統志
清涼山有利國鐵冶

梨園縣西二十里元薛御史果園明入代府址存今其地
名梨園村

劉晏莊在縣南六十里相傳昔劉晏居此嘗出粟賑饑里
人德之以名其莊或疑爲唐鹽鐵轉運使劉晏按唐書

大同府志

卷之六

古蹟

八

劉晏傳曹州南華人曾避地襄陽累官河東三川其後
貶死中州與雲州無涉又按宋史劉晏嚴州人入遼舉
進士宣和四年來歸見忠義傳懷仁於宋時爲遼地或
入遼時所居無可證實及考山陰縣志劉晏前明貢生
見選舉今劉晏莊在山陰縣北地本鄰接必懷仁人而
籍山陰也故土人亦稱劉宦莊

山陰縣

南平城卽新平城魏書太祖天興六年九月行幸南平城
規度灑南面夏屋山背黃瓜堆將建新邑天賜三年遂
於其地築宮規立外城方二十里分 市里經塗洞達

今灑水經山陰縣北又北有黃花岡卽黃瓜堆縣南大山卽古夏屋是山陰爲南平城地無疑矣

忠州故城在今縣城西南十五里金貞祐二年陞山陰縣爲忠州築城

御射臺舊志云在山陰縣南三十里龍門山後魏文成帝嘗射於此有碑記其陰刻從臣姓氏又云龍門山一名隘門按水經注滌水自靈邱縣南流入峽謂之隘門其水泝澗西轉逕御射臺南臺在北阜上臺南有御射石碑又攷魏書靈邱南有山高四百餘丈和平二年高宗過之詔從官仰射山峯無能踰者高宗一發出山三十

大同府志

卷之六

古蹟

九

餘丈過山南二百二十步遂刊石勒銘其後高祖自洛北巡至高宗射銘之所詔諸弟及侍臣試射惟北海王詳箭不及高宗箭所十餘步高祖嘉之遂詔勒銘亦指靈邱南山言與水經注合况滌水爲溇河上流源出渾源翠屏山東南流逕靈邱廣昌入倒馬關未嘗屈逕山陰也繫之靈邱爲正

蕭太后營縣西南二十里安銀子村相傳遼太后駐兵處遺址宛然按遼史后妃傳應天奮擊室韋承天御伐澶淵仁懿親破重元皆長於射御軍旅田獵未嘗不從營衛志行營謂之捺鉢其在河陰無可考疑亦郡城梳妝

樓之類俱屬後人傳會耳

復宿山房在縣南三十五里復宿山下明王文端家屏及子柳州太守濬初讀書於此

遼節度使開國伯沙彥珣墓碣銘縣南三十里沙家寺東山坡明正德中水衝出

金王拱碑在佛宿山碑云文殊大師畱宿處

應州

應州故城今城東十里唐天寶初大同節度使王忠嗣所築乾符間李國昌爲節度使移築天王村南故城遂廢按唐書王忠嗣傳稱自朔方至雲中袤數千里據險築

大同府志

卷之六

古蹟

十

城斥地甚遠城應或其時也唐書沙陀傳雖載李國昌父子轉側蔚朔間屯兵新城之語此卽遼史神武川之新城東當爲今寧武地則移築之說究無確據

黃昏城傳是後魏孝文帝築疑卽水經注所稱日沒城也金史地理志金城縣有黃花城按黃花城因黃花岡得名花昏或音近之訛今其地隸大同縣

金鳳城州東北天王祠前後唐明宗生此中有金鳳井元好問詩此地曾經海眼開古今人喜暢奇哉料應丹穴相穿透飛出摩天金鳳來

後唐明宗祖廟州城東北隅卽今淨土寺基州續志云寺

建於金天會年歷今數百載而佛殿椽桷之下以木板雕鏤龍鳳嵌置其間金碧照耀尙未剝落其制異於他寺古老傳係明宗祖廟前室寢殿在今北城外後移建城垣隔斷故址遂廢攷五代史明宗天成二年追尊四代祖考皆爲皇帝妣爲皇后立廟應州是必實有其地所言或非訛傳存疑可也

金城廢縣在州城內唐置縣爲州治遼金元皆因之明初省入州改縣治爲安東衛治永樂間嘗掘地得金城縣印

泊城州治西大定街北久廢

大同府志

卷之六

古蹟

十一

冽靜山房州東南三十里小石峪口東坡上相傳唐田游巖棲此後名大覺精舍按田游巖京兆三原人永徽時補太學生罷歸入太白山自蜀歷荆楚愛青溪止廬其側以薦召赴京師行及汝辭疾入箕山居許由祠旁高宗幸嵩山親至其門勅乘傳赴都拜崇文館學士尋放還見唐書隱逸傳其在應無攷未審所據

龍首書院在州治西南遼翰林學士邢抱朴建今儒學基是也東爲一經樓抱朴母陳夫人教子讀書處遼史列女傳邢簡妻陳氏甫笄通經義好吟詠時以女秀才名之歸於簡有六子陳氏親教以經後二子抱朴抱質皆

以賢位宰相

三岡四鎮趙霸岡城東二十五里護駕岡城南三十里相傳魏孝文駐蹕於此故名黃花岡城西四十里山陰境安邊鎮城東二十里大羅鎮城南四十里司馬鎮城西十五里神武鎮城北四十里金元好問詩所謂南北東西舊有名三岡四鎮護金城也攷遼史太祖討室韋唐盧龍節度使劉仁恭發兵數萬遣養子趙霸來拒霸至武州太祖伏兵桃山下擒之按桃山在今直隸萬全縣西北應山何以得名或霸被擒後安置於此猶余睹本遼宗室子降金畱西京今州西有余睹谷也存之以備

大同府志

卷之六

古蹟

十一

一說

釋迦木塔州城佛宮寺內遼清寧二年建高三十六丈圍半之六簷八角上下皆巨木爲之層如樓閣玲瓏宏敞浮圖之麗甲於宇內元順帝時地大震七日塔旁屋宇盡頽惟塔屹然不動馮觀察雲驤登塔詩序畧曰塔建自遼七級八面高見數十里朱欄碧瓦玲瓏飛竦登之河水一杯孤城如彈也

碧柳園金榮國公高汝礪別業卽今柳樹巷

小有園州西十五里康興莊金權州節度使康公弼憇此書堂巖在城南三十里茹越山金進士曹之謙講學處

望城樓州南三十里下社村觀音寺元韓元帥浩習靜處
寺後有樓卽古望城遺址州治西南四十五步又有韓
元帥故宅俗謂之梳洗樓

透玲碑相傳唐晉王墓上石光明如鏡元季兵燹止畱二
尺許明正德間鎮守中官刻詩置塔壁

古石經柱在州城關帝城隍二廟八角石上蓋遼金時筆
渾河碑在東關龍王廟石螭首上篆刻開剏渾源河碑記
明成化時州人得於渾河

渾源州

故崞縣州西二十里橫山左側遺址尙存今地名麻家莊

大同府志

卷之六

古蹟

十三

水經注崞山縣故城王莽之崞張也縣南面恒岳右背
崞山處三山之中故名崞張其西山謂之崞口按恒岳
在今州南橫山在州西南北橫互疑橫山卽古崞山說
詳沿革

飛石窟在北嶽觀右側按大茂山碑舜皇巡狩詣此將登
祀值大雪弗能進而遙祀之俄有石飛墜帝前遂以安
王石名五載復狩其石載飛曲陽帝命卽其地祠祀焉
其飛石窟尺寸固安王符券也明知府閻鉦有飛石窟

記

通元谷在恒山東頂相傳張果燒丹處唐開元時果賜號

通元先生故名壁刻果老仙跡四小篆明邢其任書極古勁

歸潛室在玉泉山之西金劉京叔祁壬辰還鄉里躬耕自給築室榜曰歸潛壁間書張橫渠東西二銘自撰記作歌寂通居士陳時可撰歸潛堂銘

龍山遺蹟州西南四十里封龍山金時李治元好問張德輝嘗游此號龍山三老山中有劉京叔麻信之諸賢題詠

翠屏書院州南七里翠屏山金狀元劉撝右丞蘇保衡胥讀書於此

大同府志

卷之六

古蹟

十四

鳳山書院州西北七里鳳凰山下明時郡人司務孫聰建標十二景曰鳳鳴亭翠微樓得月軒秋香圃藏書窟鼓琴洞奕棊臺釣魚磯碧水竇彩雲巖金魚塘瑞蓮池雲閣虹橋在磁窑峽口兩崖鑿孔架巨梁構樓於上明巡道楊述程登恒山記云南行十里許至磁窑口兩岸峭削如門上有石窟架閣猶餘橫木數十蠡剝欲盡傳者以爲宋把守三關處也

風葫蘆紈扇張君祥刻石在磁峽口

壯觀唐李太白書刻磁峽東崖筆力遒勁人多摹搨明成化十年建大白祠於崖上祠久廢府署儀門右壯觀碑

其摹本也

龍山詩碣在大雲寺中金郡人雷思撰并書

元重修律呂神祠碑州西北七里至元六年五月十五日

東昌教授麻治撰文

元劉源祀恒岳記碑舊在元靈宮左今失所在或云殿廡階版是也呂仙詩碣元姚六謙書陰符經碣並在其中

靈邱縣

靈邱故城今城西二十餘里按水經注應劭曰趙武靈王葬其東南二十里故縣氏之今縣西二里有武靈王墓則故城當更在其西北也舊志云在今城東十里似未

大同府志

卷之六

古蹟

十五

核

欽城在縣西北水經注溫泉出靈邱縣西北暄谷東南流逕興豆亭北亭在南原上傾欹而不正世以欽城目之按溫泉出渾源州東南百里湯頭舖東南注漉水又東流至蔡家峪入靈邱界

石銘陁在縣西水經注漉水出靈邱縣高氏山東南流山上有石銘題言冀州北界故世謂之石銘陁

義倉縣東南二十里隘門山相傳後魏置按魏書食貨志太和十二年有司上言請析州郡常調九分之二京都度支歲用之餘各立官司豐年糴貯於倉時儉則加私

之一糴之於民如此民必力田以買絹積財以取粟官
年登則常積歲凶則直給詔從之又攷高閭傳云明察
畿甸之民饑甚者出靈邱下館之粟以救具乏可爲靈
邱置倉之証特義倉名目北魏時未之聞也

覺山古塔在縣東南三十里北魏太和中建前令宋起鳳
游覺山寺記云寺門右腋一白浮屠高三十丈塔左山
冢上小浮屠高與埒塔側百步許古井一邃不可測土
人名塔井三奇

蕭后城縣西南三十里蕭家坡傳是遼蕭太后所築故壘
存

大同府志

卷之六

古蹟

十六

楊六郎城距蕭家坡二里相傳宋將楊延昭所築又廣靈
縣界林關峪有六郎城遺址考宋史傳延昭嘗知保州
兼緣邊都巡檢使二十餘年中外目爲楊六郎按靈邱
廣靈宋何繇築城惟雍熙三年遣都部署田重進攻下
飛狐靈邱等城是時延昭父業副潘美分道北伐攻拔
雲應寰朔四州延昭爲其軍先鋒豈嘗築城屯守耶無
可證實當是明戍將屯兵處

擲虎澗縣東北二十里相傳李存孝牧羊於此李晉王獵
逐虎過其地存孝搏殺之隔澗擲還遂養以爲子按五
代史義兒傳存孝飛狐安氏子太祖掠地代北得之給

事帳中賜姓名無搏虎之說縣志又載縣東北五里有石人臺言唐時鄧氏女過此有感生存孝尤屬荒誕

大勝甸縣東六十里金元交兵於此故名郡人徐化溥有詩

廣靈縣

古長城縣南十五里直峪山舊志云漢武帝元光五年築址存按漢書武帝紀元光五年夏發卒萬人治鴈門阻險縣在漢爲代郡西南境疑同時并築

平舒故城史記趙孝成王十九年燕以葛武陽平舒予趙正義曰平舒故城在蔚州靈邱縣北九十三里水經注

大同府志

卷之六

古蹟

十七

祁依水逕平舒縣之故城南魏土地記曰代城西九十里平舒城今縣西十里有平水村故城在其南舒水或亦音近之譌耳

莎泉亭水經注泉水導源莎泉南流水側有莎泉亭按莎泉縣屬北靈邱郡見魏書地形志太延二年發定州七郡一萬二千人通莎泉道見張黎傳是並以泉得名也今縣西三十里有莎泉卽壺河源

直谷關今名直谷口唐書地理志靈邱有直谷關其北有孔嶺關大安鎮時縣境未析

寡婦城縣東北七里相傳夫遠戍妻築城以居址存又縣

南二里有古城遺址甚狹耆老云秦皇時築

插箭嶺縣東南三十里相傳宋將楊延昭插箭於此按朋史有插箭浮圖等峪今攷其地當在廣昌南

聶諒故里縣東南二十里加斗村諒元總管也

孝子袁表故里縣南十五里畱老山下

洗馬莊縣東二十里飛鳳山下元侍郎龐清居此清嘗官

洗馬今訛洗爲西

陽高縣

白登臺縣東南二十五里有碑銘遼史地理志長青縣本白登臺地爲漢高帝被圍七日處遼始置縣有青陂梁

大同府志

卷之六

古蹟

十八

元帝橫吹曲朝跋青陂暮上白登按漢書註服虔曰白登臺名去平城七里顏師古曰在平城東山上去平城十餘里水經注亦云今平城東十七里有臺卽白登臺漢平城屬鴈門北魏平城屬代卽今府治今陽高東南之白登去府治百二十餘里與服氏顏氏酈氏之說皆不合疑非故地矣說詳山川

高柳塞縣北十里漢景帝中三年中尉魏不害屯此爲今

開山口擡風崖迤北地卽唐青坡道也

娘子城距白登村二十里

叱嶮城水經注鴈門水出鴈門山東南流逕高柳故城北

又東南流逕叱嶮城按鴈門水卽十里河由開山口入繞城而東折而南入白登河疑雲門山卽古鴈門山高柳故城當在今縣北豐鎮南叱嶮城則在縣東馬家莊紀家莊諸村也

莫含壁代左將軍關中侯莫含故宅在桑乾川南世稱莫含壁或音訛謂之莫回城云見魏書本傳省志繫之陽高豈以縣境有名南川遂實其爲桑乾川南耶含鴈門繁峙人初辟劉琨從事居近塞下爲穆帝所知求含於琨乃入代其後琨徙五縣民於陘南含家獨畱水經注崞川水南出崞山縣故城南又西出山謂之崞口北流

大同府志

卷之六

古蹟

十九

逕繁峙故城東按崞川水源出今渾源州東北流逕州西南十五里古崞縣麻家莊西北流入應州界又折而北入桑乾是古崞縣在渾源繁峙故城當在今應州界矣又按今桑乾河繇馬邑山陰南東流逕應州西涼亭村賈家寨曹娘子村白塘子村劉霍莊鄭家莊凡二十里有奇疑莫含故宅正在此二十里間姑存以俟考

太師莊縣西北十餘里明英國公張輔莊也河水灌溉稱沃壤按明史英國公張懋及鄭宏各置田莊於邊境歲役軍耕種大同巡撫年富劾之見富傳懋輔子嗣英國公亦累加至太師性豪侈又頗朘削軍士屢爲言者所

糾見本傳與年富傳 是太師指懋非輔也舊志省志俱誤

陽和臺卽北城上建元帝宮殊壯麗臺上有古井

天鎮縣

平邑故城史記趙獻侯十三年城平邑漢書地理志代郡有平邑縣水經注濕水東北逕平邑縣城南按桑乾河由陽高縣東流入縣馬營堡境經蘆子屯東西太保村小鹽場入直隸西寧界疑古平邑城在南川諸村以北說詳沿革今縣南七十里有大古城門云

陽原故城一統志在天鎮縣南漢置縣屬代郡後漢省水

大同府志

卷之六

古蹟

二十

經注濕水東逕陽原縣故城南北俗謂之北邠州城縣

志云應在邑南川諸村及西寧縣西南桑乾河之北

三會城託台亭水經注託台谷水上承神泉於葦壁北東逕陽門山南託台谷謂之託台水東逕三會城南又東逕託台亭北縣志云陽門山卽城東南諸山託台谷在陽門山南則三會城當在今姜前屯託台亭當在馬家溝也

羅亭水經注延鄉水出縣西山東逕延陵縣故城北又東逕羅亭魏書代人羅結年百七歲詔聽歸賜大甯東川爲居業并築城號羅侯城桑鄴書城亦謂之亭如興豆

亭欵城之類是也縣志云延陵故城當在新平羅亭當在平遠按延鄉水卽今西洋河源出新平堡西北邊外豐鎮境東北流逕七家營又東逕高廟子東石嘴流入縣境之馬市口又東逕平遠堡西洋河堡入直隸懷安界

玉泉驛舊志云隋置按今縣北鄧家園有玉泉是驛之受名以此史志無考疑屬後人附會詳沿革

蕭后井在縣東四十里蕭牆堡相傳蕭后駐兵於此井水盈溢去後如故

馬市樓在新平堡北三里馬市口上有宣威二字石額明

大同府志

卷之六

古蹟

二十一

嘉靖二十九年大同總兵仇鸞請開馬市明年春以侍郎史道莅其事給白金十萬開市大同隆慶四年通貢市總督王崇古議定大同市場應於左衛北威遠堡邊外其在新平堡外者乃萬歷二年黃台吉所改也陽高縣北守口堡外亦有馬市樓

石鼓縣西南百里鷲峰寺中擊之有聲

盤山古松縣東南八里盤山石蓮峯下大可十圍枝幹蒼老相傳隋唐時物縣令陳際熙有詩又縣西五十里龍泉寺古楊一株傳是唐貞觀間尉遲恭手植

豐鎮廳

古長城廳治北察哈爾界有古城址相傳秦蒙恬築土色皆紫故名紫塞按載籍云秦長城起臨洮至遼東則雲代在其中或云今內三關之間有版築迹與起臨洮至遼海者爲一城爲秦之長城其在宣大以北者起赤城止五原乃元魏泰常八年所築按史記趙肅侯築長城自雲中以北至代武靈王自代並陰山下至高闕爲塞秦并天下使蒙恬北築長城起臨洮至遼東延袤萬餘里是長城始於戰國而互萬里以爲限者特因其舊而增拓之攷漢書地理志雲中鴈門代郡皆秦置故史記蒙恬傳云渡河據陽山逶蛇而北也水經注陽山卽陰

大同府志

卷之六

古蹟

二十一

山一統志陰山卽大青山在今歸化城北二十里東接察哈爾界廳在陰山東南得漢雲中東境代西北境故應在秦長城內矣大率趙秦洎北魏舊蹟俱在明邊垣之外其在內三關者疑齊隋以後所築或北宋時遺址緣宋時跨忻代應等州爲界耳

且如故城漢書地理志代郡且如縣有于延水出塞外水經注于延水出塞外柔元鎮西長川城南小山東南流逕且如縣故城南又東南逕馬城縣故城北俗謂是水爲河頭又東逕零丁城南按于延水卽今東洋河源出廳東北察哈爾正黃旗五祿戶灘南流逕八戒窩黑土

臺折而東逕碾房窪田刺溝又東流入直隸張家口與葛河合零丁故城在萬全縣北見畿輔通志是馬城當在廳東界且如當在廳東北界矣且如亦作沮洳北魏神瑞二年行幸沮洳城卽此縣志云馬城故城在今察哈爾正黃旗哈洮河之南

成樂故城金史地理志大同縣有盛樂城按盛樂漢志作成樂定襄郡治魏書穆帝統一部居定襄之盛樂故城卽此至永興中所置盛樂郡乃遼金元之豐州今歸化城界詳沿革

單于臺廳西北察哈爾正紅旗界俗稱議事臺漢武帝元封初勒兵十八萬騎登此通典雲中有單于臺漢武自將待邊處

飲馬長城窟卽白道泉綱目集覽曰白道在古雲中郡省志云大同北有白道泉天鎮縣志西洋河源出邊外飲馬池東西二灣今民地內有名飲馬溝小飲馬溝者疑卽古長城窟也又天鎮縣北四十里廢樺門堡有飲馬長城窟碑

柔元鎮撫冥鎮一統志柔元鎮在天鎮東北邊牆外按水經注于延水出塞外柔元鎮魏書孝文紀太和十八年幸柔元鎮胡三省通鑑註柔元鎮在漢且如縣西北塞

外其西卽撫冥鎮則柔元當在正黃旗界撫冥在正紅旗界皆與廳北境毗連

馬射臺魏書世祖始光元年築馬射臺於長川上親登臺觀走馬王公諸國君以下馳射賜中者金錦繒絮各有差按長川在柔元鎮西北其南卽泰昌八年築城處也疑今旗地內之亮馬臺是其故址

豺山宮北魏離宮也天興六年築於豺山遂名魏書天賜三年正月北巡豺山宮校獵至屋孤山四月復幸豺山宮遂登定襄角史山又幸馬城五年行幸豺山宮遂如參合陂按定襄馬城參合俱在今府北說詳沿革是豺

大同府志

卷之六

古蹟

二十四

山必附近代都今廳境所稱狼頭山者疑近古豺山然無可證實省志云屋孤山卽夏屋未審所據

獨谷孤城水經注如渾水出涼城旋鴻縣西南五十餘里東流逕故城南北俗謂之獨谷孤城水亦卽名焉又東南流逕永固縣因山堂之目以氏縣也按如渾水源出塞外之葫蘆海南流入得勝口東南逕方嶺右脇相傳上有北魏遺址卽永固石室也今考其地永固縣當在得勝口內獨谷孤城則在牧地永旺莊左近矣

單于都護府唐書雲中都護府龍朔三年置麟德初徙瀚海都護府於古雲中城號雲中都護府改雲中爲單于

大都護府以殷王旭輪爲單于都護載籍云瀚海所徙
史文曰古雲中單于府所置但曰雲中是其時有新舊
兩城也一統志新雲中在大同北郭外古雲中在豐勝
之間相去四百餘里

鬪雞臺在岐王山唐乾符三年雲中守捉使李克用偕程
懷信等募士萬人趨雲州次鬪雞臺卽此岐王山詳見
山川

石元山寨相傳後唐周德威屯兵處寨址尙存

一塚墓附

上古三皇墓府城南十五里王家莊見一統志輿地記山

大同府志

卷之六

古蹟

二十五

西通志按史記補三皇本紀以太皞女媧炎帝爲三皇
其說蓋本於帝王代紀三五歷與譙周宋均之說不同
通考太昊葬宛邱在陳州女媧葬趙城縣東南在晉州
炎帝葬長沙在潭州俱有地可證一說天皇地皇人皇
攷天皇氏兄弟十二人地皇姓十一人立各萬八千歲
人皇兄弟九人分長九州凡一百五十世合四萬五千
六百年今三塚相距乃數十步荒渺無稽尤不足深辨
後世天皇地皇人皇之名見於遼史太祖元年上尊號
曰天皇帝后曰地皇后天顯元年冊皇太子倍爲人皇
王是也太祖陵在祖州述律后祔焉倍墓先在洛後改

葬鑿巫閭山俱與西京無涉惟北魏文明太后葬方山其東北卽高祖壽宮惠太后葬崞山府西北外有盛樂金陵廣靈縣東北五里亦相傳有金諸王墓或誤以爲魏金遺蹟爲遼之故塚又以遼天皇地皇之號遂指爲上古之三皇也歟

祁皇墓一作岐王在府東北三十里孤山之北塚頭峻絕如山亦名岐王山攷前史所載祁岐諸王俱與大同無涉惟宋徽宗子謨封祁王靖康中從帝北遷其葬處亦無考又攷北魏桓帝皇后祁氏嘗攝國事時人謂之女國后史不言其葬所高宗興安二年發京師民穿天淵

大同府志

卷之六

古蹟

二十六

池獲桓帝葬母封氏石銘有司以聞蓋道武以前屢經播遷紀載闕畧雲中盛樂二陵外當時已往往失之疑祁皇卽祁皇后脫一后字耳史文曰女國后者猶言女國君故後人直謂之祁皇理或如此

北魏文明太后墓府北五十里方山魏書太和五年起作八年而成十四年冬十月癸酉文明太皇太后葬此號永固陵水經注方嶺上有文明太皇太后陵陵之東北有高祖陵舊志所謂北魏二陵也今其處未詳或曰俗稱祁皇墓

唐段文昌墓舊志云在府城東八里東塘山唐人碑已剝

落按文昌齊州臨淄人褒公志元三世孫卒於西川節度其先墓在荊州具見唐書本傳未聞其葬雲州也攷段秀實之孫文楚咸通末爲雲州防禦使李克用引兵攻之死於鬪雞臺下唐書本傳沙陀傳及五代史唐本紀皆合蓋其時國昌父子構禍方亟文楚倉猝遇害不得歸葬汧陽固其宜耳昌楚音轉字訛踵誣襲謬若此之類當亟爲更正

金尚書沈璋墓府東百二十里沈家莊子彥祥孫思忠胥有碑見舊志按金史沈璋傳璋字之達奉聖州永興人嘗官尚書禮部侍郎天德元年致仕卒永興爲今保安

大同府志

卷之六

古蹟

二十七

州地疑卽其人第史傳附載子宜中天德三年賜楊建中榜及第與舊志彥祥不合安得讀墓碑而證之

耿氏三塚府城西二十里失其名明一統志武州山下有耿氏三塚金皇統四年建塔父曰光祿子曰銀青孫曰昭勇

元丞相脫脫墓府東百二十里大旺村有碑記大同李氏其後也元史脫脫自雲南大理騰衝移置阿輕乞之地哈麻鳩之中書遣尚舍卿七十六至其地易棺衣以殮省志云騰衝阿輕乞在雲南徼外碑記未詳按本傳脫脫死八年監察御史張冲等上章雪其冤詔復官爵豈

至是乃克返葬歟然元史別有兩脫脫其一魯國王木
華黎四世孫官至浙江行中書省其一爲康里脫脫阿
沙不花母弟也位至丞相爲名臣嘗居宣德別墅而興
和之天成阿沙不花土田在焉疑大旺村之墓是康里
脫脫舊志墓在城東
百里友宰村誤

集賢學士許子遜墓府東關外無榆坡上

叅政杜唐卿墓府城廢南堂寺前唐卿郡人官至浙江
省叅政

明代藩諸墓代簡王桂墓戾王遜熾墓隱王仕壘墓懿王
俊杖墓昭王充燿墓恭王廷埼墓定王鼐鉉墓並在採

大同府志

卷之六

古蹟

二十八

掠山惠王成鍊墓思王聰沫墓並在馬舖山又橋頭山
獨角岡齊家山七里山合河山亦代諸墓

布政郭紀墓府南十里

副使李翰臣墓府城西北三里

右通政劉文墓在府城南

舊志誤作
劉翰林

主事王用中墓府西北八里陳家莊石坊存

右布政張爾基墓府西南七里周家店碑存

知縣李承弼墓府城東北八里

苑馬卿覃應元墓府南二十五里馮家莊碑坊存

知縣李亨墓府城西北三里

都御史溫景葵墓府東八里牛家莊前有碑記

郎中李一鶚墓府城南十里

侍郎王從義墓府西北陳家莊石坊碑碣存

主事焦承光墓在府城西

贈都督同知諡忠勇林椿墓在府城東南

總兵焦澤墓在周家店西

都督孫國臣墓府城南

都督李熙墓府城東

國朝主事張于德墓在陳家莊

提督楊鯤墓府西南口泉道十里舖南

大同府志

卷之六

古蹟

二十九

提督霍昇墓府城南關外神道碑存

總兵劉章子總兵問政墓並在城西寨坡村

總兵曾謨墓府城西南瓦窰道距城五里

總兵高鼎墓府東南三十里黨畱莊有

敕建石牌坊 諭祭碑

總兵魏麟墓在西門外七里望雲寺東石牌坊存

總兵史成墓在東關外東倉坡古城村之西距城四里

諭葬碑存

贈提督諡勇烈任舉墓府城東水坡寺前有

諭葬碑國子祭酒介休梁錫璵誌銘

提督史載賢墓在古城村北距城六里

提督史宏蘊墓在東倉坡眞武廟南距城二里

鑾儀使畢映墓府城西北八里雷公山前

副將魯明墓府西門外

孝子張光壁墓城西十五里觀音堂西山上

黃烈婦墓府南郭外戴掌窰

以上大同縣

金河清公張詡墓縣東八里下寨村

元平章曹立墓縣西北四老溝碑存

薛御史墓逸其名墓在縣西二十五里薛家莊石羊存

大同府志

卷之六

古蹟

三十

明布政劉道墓縣南十五里曹四老莊西碑存

副使王汝濂墓縣西南十五里半截橋南地名輝鳳坡

弟孝廉汝浹誌其墓

殉節儀賓王爾揚烈婦代宗女合葬墓

國朝知縣魏正心墓在城外口泉道東距縣五里有碑碣

以上懷仁縣

五代唐昭義軍留後康君立墓縣東十五里

遼節度使沙彥珣墓縣南三十里沙家寺東山坡明正德

間水冲碣出

元元帥安明本墓縣東六里

明知府米瓘墓縣東關外

巡撫成文墓縣北四十里

巡撫郭登庸墓縣南沙家寺村北

御史郭民敬墓在縣東北

僉事郭石墓縣南三里

贈大學士王憲武墓縣北四十里周家莊大學士王錫

爵誌銘

太保諡文端王家屏墓縣西北三十里河陽堡給事中

鄒元標誌銘

以上山陰縣

大同府志

卷之六

古蹟

三十一

唐朱邪府君墓在馬神祠下石函蓋存上有篆文曰唐故

汾州刺史朱邪府君墓誌銘秀水朱彝尊檢討石蓋記

云後唐明宗父電嘗贈汾州刺史又葬於應州其爲電

墓無疑舊志載晉王李克用墓在城東安邊鎮南按克

用以天祐五年葬鴈門五代史可據今代州西八里栢

林寺側有李晉王墓當以此爲正其在安邊鎮南者殆

亦明宗祖墓歟

五代周太師周密墓在州東城下莊誌石存明隆慶間塌

出州續志云攷宋史周廣傳廣之先應州神武川人父

密事晉歷鄜延晉三鎮節度使周廣順初至太子太師

致仕是周密墓在應州無疑通志疑墓係周德威之祖未審所據然周廣順時密何繇歸葬故鄉則亦不可究詰矣

遼樞密使邢抱朴墓州東二十里安邊鎮西

金丞相高汝礪墓在城南接馬峪前石獸存

應州錄事司劉筠墓宋澤撰墓誌畧云應州寅賓里劉愈詮將合葬其父母來以問銘於余明昌六年葬於金城之東今再卜泰和三年合葬於上瑞鄉白家堡東原之下子三人長曰愈詮次曰愈安三曰愈勵誌石在今城隍廟內爲柱形方隅八面高二尺許徑一尺亦古所

大同府志

卷之六

古蹟

三十一

罕見者

元都元帥韓浩墓在州南茹越口前按宣化府志載蔚州東北君子疇有元彰國軍節度使韓浩墓浩嘗任元帥兼彰國軍節度使二墓未詳孰是

左丞李彦古墓州城東北翁仲碑碣胥存

明尚書石瑁墓州東南羅家里劉義村前卽石氏祖塋大學士李賢誌

編修侯復墓在城南碑存

御史王巍墓州城南

都給事寇謙墓州南下社村

御史陸厚墓州東北邊耀山前

贈監丞田盛墓在南關尚書石玠誌銘

知州田天澤墓在南關墓上有循吏傳碑尚書孫不揚
撰

太僕丞杜榮墓城西一里

主事霍希夔墓城東龍首山之陽

贈通政使田維魯墓在州東聖水原侍郎孫繼臯誌銘
維魯通政使蕙之父

指揮使唐鑑墓在城東安邊鎮北舊志唐將軍墓釋云
鎮國將軍唐鑑省志作鎮國將軍朱唐鑑按明史郡王

大同府志

卷之六

古蹟

三十三

之諸子授鎮國將軍其鎮守總兵官掛將軍印者無此
號省志加一朱字欲實其爲鎮國將軍也洪武中東宮
親王世系各擬二十十字爲一世依世次立雙名以上
一字爲據其下一字則取五行偏旁以火土金水木爲
序鑑字從金似矣曾不考代府二十字內並無唐字卽
二十三王子孫亦無以唐字爲據者攷州志載安東衛
指揮使唐鑑嘉靖間以孝旌疑卽其人明制衛職得充
叅遊等官遊擊亦稱將軍或鑑嘗以指揮充遊擊故謂
之唐將軍省志山川門載唐泉在州東二十里安邊鎮
泉白石澗出以唐鑑墓其地故名不聞作朱唐鑑也今

更正

總兵劉伏戎墓在城東

國朝總兵張友鳳墓在州城西

左光圖墓前明嵩縣知縣歸里卒貧不克葬魏敏果象
樞買地葬之墓在魏里南馬莊

以上應州

北魏惠太后竇氏墓在崞山本世祖祖母尊爲皇太后諡
曰惠初后嘗登崞山有終焉之志故葬焉見魏書疑崞
山卽今橫山在州西二十里

金狀元劉撝墓州北二十里

大同府志

卷之六

古蹟

三十四

右丞蘇保衡墓州西北七里岡下

翰林應奉劉從益墓州東二十里

翰林修撰雷淵墓城西北十七里

元集賢學士雷膺墓在城西北十五里

都元帥高定墓城西南二十里

尙書孫公亮墓州西北二十二里

明布政李彝墓州城東北二里

布政孫逢吉墓州城東北二里

大理評事翟廷楠墓州南二十里長村領之陽

贈光祿丞張汝舟墓在州南

以上渾源州

趙武靈王墓在縣西二里縣以此名史記註武靈王葬代郡靈邱縣

明侍郎張俊墓在縣東北五里

僉事李孟旭墓縣東北五里

知縣李茂森墓在縣東北三里

李先生墓在東河南村先生字溥涯逸其名代州諸生嘉靖隆慶間教授於此生徒常數十人多所成就及歿門人爲之營葬今猶稱李先生墓云

國朝巡撫周召南父墓縣東南召栢村

大同府志

卷之六

古蹟

三十五

知府劉愈奇墓

總兵杜如焜墓

以上靈邱縣

金諸王塚縣東北五里大塚纍纍土人傳是金諸王之墓信武將軍康筠墓在縣西三十里北土嶺村

元侍郎龐清墓縣東北洗馬莊有翁仲石獸

元帥張守中墓縣西二里翁仲石獸存

同知齊震墓縣西三里壺流河之南

知州聶仁墓縣東南二十里加斗村有碑

明侍郎齊韶墓在縣西北十里井子窰村南有古松數

碑碣存

贈光祿丞李景墓在縣厲壇南有碑

通判白塗墓縣東北五里有碑

都督僉事馬芳墓縣東北中焦山村有塔芳蔚州人

儀賓武進儒墓城西三十里南村東里許

國朝孝子韓一蘇韓一歐墓城西三十里南村北里許

義士周于德周于道墓縣北二十里一斗泉

義士李奠墓

以上廣靈縣

明副將倉義墓在開山口

大同府志

卷之六

古蹟

三十六

將軍曹安墓距縣十里餘西山之麓天順間敕修以有

迎駕功也石幢翁仲存

總兵倉自盈墓在沙河北

總兵李東暘墓在縣西山距城十里碑碣存

總兵張巍墓縣南十五里碑存

總兵張萬邦墓在開山口大學士韓爌誌銘

通判李毓秀墓在城西榆林村

知縣林桂墓縣南青中村之南

知縣李正茂墓在衛官人屯

國朝雲門山人徐化溥墓在縣城北四里

知府崔邑俊墓縣城西南三里廟有碑

總兵母椿齡墓

總兵王萬邦墓縣西北七里織錦莊訓導王 岷誌銘

以上陽高縣

明巡撫李植墓在南川龍池堡

副使薛綸墓縣東南五十里筆峰山大學士王家屏誌銘

副將 策墓在城西北三里侍郎孫如游誌銘翁仲石獸存

都指 在縣城南都御史溫純誌銘

大同府志

卷之六

古蹟

三十七

同知周祉墓 東北十里福祿山

贈光祿丞安 修墓城北三里崇正間賜葬

國朝總兵穆生 墓城西北五里順治年間

賜葬

副將羅光 墓在城南三里

以上天鎮縣

北魏定陵公 跋塚在豺山魏書道武幸豺山收跋刑之

後太武幸 山校獵忽暴霧四塞怪問之羣下僉言跋

世居此祠冢猶存或者能致斯變乃遣建興公古弼祭

以二牲霧卽徐後太武蒐狩之日每先祭之

金左丞相紇石然良弼墓良弼居宣寧大定十八年卒于

西京命翰林 制移刺履勒銘墓碑

以上豐鎮廳

大同府志卷之 終

大同府志

卷之六

古蹟

三十八

